



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Caroli Scribani E Societate Iesv Medicvs Religiosvs De
Animorvm Morbis Et Cvrationibvs**

Scribanus, Carolus

Antverpiæ, 1618

XXII. Singularia in cibo, potu, vestitu, reliquisq[ue] corporis commodis.

[urn:nbn:de:hbz:466:1-46194](#)

facile cuiquam graue videbitur: & sola saepe erubescientia deterrebit subditos, pudorque est Superioris in paupertatem affectu collectus, ne ad maiora commodi-
raque manum porrigitamus: neve ad scu-
culi opes commodaque, sacerduli desertores
circumspiciamus.

CAPVT XXII.

*Singularia in cibo, potu, vestitu, reliqui-
que corporis commodis.*

AEmulationum & murmurationum in Religione causa, ac dissensionum seminarium. nam si Superior hoc malo laborat, perpetuam fugillandi materiam praebet, eodem magis quod omnium in illum oculi intenti; eoque nocentiū, quod illus exemplum transit ad plures, seminaque in posteritatem spargit, prouocatque reliquos, viamque secuturis sternit ad paria aut maiora etiam audenda. saepe enim, quod exempla desint, a noxiis abstinemus; at ubi preciis maiorū factis reseratus est aditus, proni ad libertatem commodaque decurrimus: nec imitari pudet, ad cuius initia erubescimus; & cum pudeat audire primum, in imitatione gloriamur.

Eoque

Eoque grauius hoc malum est, quod non se intra primi transgressoris terminos cōtineat, sed singuli ferè aliquid adiiciant noui, hic in cubiculo, ille in vestibus, alias in cibo & potu, non nemo in omnibus; ac tandem in delicias & luxum, sēculumque totum res abeat. è quibus infelicibus ini-
tiis paupertas Religionis murus corruit, nudaturq; vniuersa Religio propugnaculo, exiuiturq; suis viribus, robore destituta.

Accedit ciborum hunc reliquorumque commodorum delectum, ipsis plerumque Superioribus grauem adgenerare mole-
stiarum causam. nam cūm in plerisque Religionibus perpetui non sint, fit ut in mune-
re defuncti, ægrè consuetis commodis ca-
reant; patianturque non postremas in illo-
rum defraudatione difficultates, multo-
rum exin fabula facti, & acerbiorum irri-
sionum materies.

Si inferior malo hoc tenetur, sociorum in se æmulationes excitat, oblocutiones etiam, percutiturque ferè tot linguis ac iudiciis, quot capita in vna domo sociata habet. Iam exemplo suo ad paria præro-
gatiua reliquos prouocat, maximè eos qui meritis, laboribus functionibusque supe-
riores, pares, aut non inferiores sunt. ado-
lescentioresque etiam ad paria aliquando auden-

audenda incitat : neque enim quidquam
in vtramque partem , vitiorum ac virtu-
tum, maiorum exemplo potentius est.

Graues deinde tales Superioribus sunt,
& plerumq; illorum conuictum auersan-
tur, subterfugiunt oblatos, ac cum mero-
re quodam patiuntur domesticos; dum aut
negare non audent ne offendat, aut con-
cedere non audent ne reliquos ad paria
prouocent.

Quòd si Superiorum vnum beneolum
nacti fuerint, reliquos patiuntur aduersos;
ita vt quod aut naturali quadam munifi-
centia, aut priuato affectu cōcesserit vnu,
negaturi sint alij. quæ negatio durissima in
consuetis est. prosiliuntque exinde omnium
propè generum tentationes , tristitia ac
mcerores, cor exedentes , ac murmuratio-
num integra plauftra . quòd si fortiter in
sententia steterint Superiores , non raro
tabescunt tales , ac quasi emedullatis offi-
bus decinerescunt; si grauiorum metu ali-
quid à constantia remiserint , fastidiosos
patiuntur, ac vniuersae familiæ pacem e-
uertunt.

Iam quotquot commodis suis aidē, &
supra quam Religiosam modestiam , ac
paupertatem decet inhiantes vides , eos
ferè in carnem & sanguinem labi compe-
nés,

ries , ac in inchoatæ tandem vocationis desertionem. cùm tepescat primò in his omnis Religionis spiritus, qui fomentis hisce tanquam iniectis puluinaribus suffocatur. neque aliud ferè certius signum est, languentis in vocatione, ac à primo feruore degenerantis animi. vnde ingens spiritualis nausea nascitur; à qua ferè vehe mens flamma carni iniicitur.

Repugnat etiam hæc singularitas mutuo amori : qui paritate roboratur & crescit, imparitate subuertitur. ignorant filiorum discrimina vbera necessitati nata, vniusque patris filij prærogatiua de generatione nesciunt. nimirum quos vterus vberaque pariarunt, pariare debet amor. quæ minuit quisquis de prærogatiua censi desiderat ; quisquis sub eodem patre matreque Religione, potiora sibi arrogat, aut concedi desiderat.

Illud verò mali huius magnitudinem auget, quod superbiæ tanquam fundamento inædificetur . qui enim præ reliquis singularia ambit, plus sibi deberi quā aliis censem: si consequatur, plus sibi merito suo cōcessum quā aliis gaudet. singularis esse voluit Lucifer, dum pariari Deo studuit: si in ordine reliquorum angelorum stetisset, æternū stetisset. prærogatiua

tiua illum vota æternaturis flammis addi-
xerunt.

Remedia.

A Superioris exemplo petenda , quisi
fortiter intra consuetos se Religio-
nis terminos teneat ; vel solo rubore reli-
quos continebit , terrebitque ab hoc pa-
rum Religioso conatu . Sanè si forte in
hoc genere se præbuerit , commodorum-
que contemptorem ; non difficulter reli-
quos ab hac spe excludet , terrebitque ab
illorum petitione . memor proinde sit illius
Sapientis : *Rectorem posuerunt te, esto inter il-
los, sicut unus ex illis. ut nihil habeat, vel dil-
gat pomposum, mundanum aut vanum, sed
mnia quæ habet, Ecclesiasticam personam &
tum suum deceant, & humilitatem ostendant:*
nihil in omnibus appareat, quod iactantiam vel
curiositatem sapiat . non est enim humiliis cordis
indicium , curiosa querere , pretiosa affectus,
excelsa ambire . Et sanè indignum viro est
cælestia cogitanti , ad quæ natus , ad vilia
hæc se abiicere , & primogenita cum Esau
pultibus commutare.

Bon. de los, sicut unus ex illis. ut nihil habeat, vel ali-
6. alis, gat pomposum, mundanum aut vanum, sed
6. 6. mnia que habet. Ecclesiasticam personam & fa-

tum suum deceant, & humilitatem ostendant: nihil in omnibus appareat, quod iactantiam vel curiositatem sapiat. non est enim humiliis cordis indicium, curiosa querere, pretiosa affectare, excelsa ambire. Et sane indignum viro est caelestia cogitanti, ad quæ natus, ad vilia hæc se abiicere, & primogenita cum Elau pulibus commutare.

Exempla h̄ic deinde omnium ȝatum
in omni Religione magnorum virorum
valent: qui per calcata corporis commo-
da, ad magna claraque in terris catalogue

nomina deuenerunt. exempla etiam generosorum militum, qui vltro assuecantur duris, auersantur mollia, quibus vt corpora, ita & animi effeminantur. nescit mens ad magna se erigere, quæ vilioribus deprivatur.

Terrendi denique multorum magnorum lapsibus erunt, quicunque ad hæc auidè aspirant. & admonendi gule dediti, ne in eo quod escarum delectationi incumbunt, luxurie mucrone transfigant, & quanta sibi p[er] e[st]em loquacitas, quanta mentis leuitas insidetur, aspiciant: ne dum ventri molliter seruiunt, vitiorum laqueis crudeliter astringantur. tanto enim longius à secundo parente receditur, quanto per immoderatum usum dum manus ad cibum tenditur, parentis primi lapsus iteratur.

Incommoda etiam frequenter ob oculos ponenda, quæ ex hoc singularium delectu sequi nata sunt: idque in publicis exhortationibus, conferentiis, ac priuatis etiam Superiorum aliorumque monitis.

Remediorum verò potentissimum est nihil ulli præ reliquis indulgere. præscindenda proinde omnis sub initium occasio est, ne serò remedia cogites postquam invaluere mala. in scintilla nimirum sua extingendum incendium est.

Dd

CA-